

明

詩

紀

事

明詩紀事卷十二

貴陽陳田輯

用籤

吳伯宗一首

伯宗名祐以字行金谿人洪武辛亥開科廷對擢進士第一授禮部員外郎與修日曆以事謫居鳳陽尋召還奉使安南歸除國子助教改翰林典籍除太常寺丞辭改國子司業又辭貶金縣教諭召還爲翰林檢討進武英殿大學士降檢討有南宮使交成均玉

堂集二十四卷

田按辛亥爲明興首科伯宗以剛直顯可謂得人是科讀卷者爲國子祭酒魏觀太常博士孫吾與給事

中李顏修撰王僕觀早朝奉天殿詩云多士聽宣魚  
貫入諸侯分直雁行聯紀其事也先是有詔高麗安  
南占城等國如有經明行修之士各就本國鄉試許  
貢赴京師會試高麗金濤中三甲授東昌安邱縣丞  
以不通華言請還本國詔給道里費送歸

### 題秋江同驛圖

大江瀉奔流浩蕩去不息青岑列兩岸倒影搖空碧樓高野  
陰闊錦樹覆沙驛帆落天際雲人歸渡頭夕緬懷滄洲趣萬  
里見秋色長嘯倚西風因之豁胸臆

劉三吾二首

三吾初名嵐後名如孫字三吾以字行茶陵人元末  
提舉靖江學洪武中以薦授左贊善累遷翰林學士  
降國子博士尋復學士三十年主會試坐罪戍邊永

樂中卒有坦齋集二卷

鄧顯鶴沅湘耆舊集坦翁以文學顯諸家紀載有謂其以罪死於洪武時者今按詩集中得告致仕過長沙詩結語云八十還家能有幾當時畫錦亦堪誇知其優游故里以老壽終諸家所記皆不確矣詩迅筆直書不暇矜鍊雖時病粗豪要有真氣至其憑弔故

墟感時書事諸作悲涼沈鬱不減遺山

田按學士詩有佳句珠少完篇哭伯兄存吾推官云黃甲題名前進士白頭死難古宣州湘中紀行云流水石染迷故宇夕陽煙樹出疏鐘與先復初州判云欲涉湘江采蘅杜美人遙隔暮雲中次蔡元禮過洞庭云欲向黃陵懷帝子鷓鴣覩處雨斑斑皆可誦也

姑蘇卽事

姑蘇自王亦豪雄藩屏東南一旦空使眷爲誰歸火底俘囚何面見江東王封有愧非殊錫死去無碑可表忠梗稻祇今誰阻遏海門元與直沽通

靜志居詩話學士元之故老其詩雖不中程足蕭  
中外史當張士誠在吳海運阻遏元主以御酒潤衣  
請之不得及蘇州既平學士賦詩云姑蘇自王少  
雄藩屏東南一旦空糧稻祇今誰阻遏海門元與直  
沽通又云吳中旣失無門戶海道長驅有舳艤蕭  
覬元之未亡其云麻蘭同心如結好蜀吳異地豈俱  
亡則有感羣雄之失策至云萬年圖籍來江表一曲  
琵琶度塞門斯與宋文恪過元故宮詩並其悽切矣

### 送龍天章歸省玉融

柏台使者開薇省幕下諸賓聚璧奎紅藥詩情灘水上白雲  
親含玉融西舊家門巷烏衣在故國江山杜宇嘵若過州城  
舊廳事爲余重覓昔年題

### 汪叡一首

叡字仲魯婺源人元末集義旅保鄉邑明師下休甯  
來附授安慶稅令徵贊川蜀軍事以疾辭歸洪武中

授左春坊左司直

予歸江左澤往四明

倚闌憐母老長路望兒歸六載眼中淚三春身上衣風高聽  
雁遠天濶見雲飛海嶠連閩越鳥嚦月尚微

朱善

一首

善字備萬豐城人洪武初爲南昌教授召試授翰林  
修撰謫遼東教授未至放還鄉召爲翰林待詔擢文  
淵閣大學士請告歸卒正德中謚文恪有一齋集十

卷遼海集五卷

田按備萬耆年立朝燕享賜坐殿中與劉三吾汪飲  
稱三老文章和平慢衍名雖不及潛溪華川之盛在  
明初亦足名家

長短句

翁騎驢兒牽車童子荷擔相追隨風淅淅草淒淒阿兒苦寒  
翁苦饑翁雖不語心傷悲吁嗟薄命當訴誰遼東雖云樂不  
如早旋歸

龔敦二首

敦鉛山人元末以明經分教廣信洪武初徵爲四輔  
官以老乞歸復起爲國子博士遷司業再遷祭酒有

鵝湖集六卷

田按洪武十三年戶部尚書范敏薦耆儒王本杜佑  
龔敦杜敦趙民望吳源等召至命爲四輔官繼爲是  
官者有安然李幹何顯周不久官廢余力搜諸公詩  
其可見者二敦一吳而已史稱敦爲司業與祭酒宋  
詒司業王嘉會共定學規三人年高鬚髮皓白終日  
危坐堂上肅然余嘗檢訥西隱集勅建太學碑文云

上躬臨學官率諸生進拜堂下博士臣冀敷執經  
是敷又嘗爲博士矣鵝湖集中佳句如眼前此景不  
易得客裏好懷先自開雨昏湖口生春水天入江東  
有暮雲夢熟池塘春晚後酒醒窗戶月來時殊自軒  
爽

瑞洪夜泊

三月江南雨滿湖魚吹花浪鳥相呼疏燈照水夜明滅遠樹  
入山雲有無水國田燒人雜草酒船風靜客擣蒲柳陰不見  
垂綸者卻道煙波是畏途

雜咏

越王臺上鷓鴣唳七國岡頭滑滑泥欲識故人無限意晚煙

疏雨畫橋西

杜敷

三首

數字致道壺闢人元末舉河東鄉試第一除高平教諭遷臺州學正洪武中徵爲四輔官以老病歸有拙

菴集十卷

田按拙菴集明史藝文志著錄而選家多不之及余從程之昭潞安詩抄錄數首明初山右之以詩鳴者致道其間先矣致道嘗薦宋西隱爲祭酒稱爲得人常侍宴游聯句賦詩太祖特幸其私第亦可謂儒臣之榮遇矣

玉峽關

太行盤盤橫厲中原近引河朔遙綴崑崙太原大梁爲國雄  
藩壘關林慮界於花園鳥道崎仄輪催馬煩怪石羅列熊與  
豹蹲連崖壁立屹如垣墉絕頂中斷是曰風門俛臨夜壑仰  
逼朝暾一夫獨立萬騎空屯設險甚固王者道存迺告守吏

爰作達闕勒銘巖阿寵以瑤琨匪險在德用戒歸晉

虹梯關

石崖攀天仄磴千迴邱隅塞明俯臨蔽羅鐵壁句連谿衍中  
間觀者駭魄行子心擢互如長虹橫絕天階彼昏者氓肆其  
喧豎爰據巖險以抗震雷卒于天刑亦孔之哀太行之阿大  
河之隈關門弗嚴惟帝念哉北山有石南山有材經之營之  
矣焉崔嵬侍臣作銘以詔後來

謝友

客遇中秋感慨生眼空節物坐茅亭長空萬古此明月故友  
幾人如曉星南北連天猶戰伐衣冠何地不飄零呼童旋貰  
西隣酒拏卻今朝醉不醒

吳源一首

源字性傳莆田人洪武初官興化教諭徵爲四輔官  
以老乞歸復起爲國子司業有文集二十卷抱素軒  
稿八卷

風雨旣定星月皎然輾轉不寢有感

不眠知夜永無語覺心清慷慨思時事沈吟見物情賈生愁  
論政趙括易談兵家國憂方大憑誰訪老成

張兌一首

兌慈利人元進士入明官翰林院編修

天門山圖

我家三世居山國寢食嬉遊見山色去年前作京華行萬里

平原載車轍荆山嵯峨鎮南紀華嶽金精照秋水太行綿延  
墜馬首北望居庸雪中峙歸來汎舟淮與江匡廬相接高嵒  
峒南過瀟湘望衡嶽九疑蒼梧羅煙幢此生倦遊歷艱險故  
山帆楫聊遊衍今年直上天門峯始覺從前興猶淺天門洞  
開雲氣通江東峩眉皆下風低昂二八若昆季意氣相傾爭  
長雄清猿夜唳霜竹折猛虎晝號山石裂風來往往神聽聞  
日上時時天帛揭煙蘿敷紛薜枝垂細禽飛來如棗肥六月  
仙源溪水漲中有洞府藏蛟螭可憐宜都周內史古冢纍纍  
在山址感時撫景亦愴然周朴短篇焉足擬茲山冠絕平生  
遊安得雲梯登上頭左携赤松右浮邱下視八極塵埃浮揚  
俟此圖誰爲寫天下名山無似者他日功成期早歸相與爲

鄰住山下

王嘉會

「首」

嘉會名應隆以字行嘉興人古籍松江以明經徵授  
檢討遷司業

田按嘉會官司業號爲稱職詩不多見

題許士雍紫翠丹房

楊子江頭紫翠峰移家曾住白雲中新居今與湖山近擬覓  
刀圭訪葛洪

全思誠

「首」

思誠字希賢上海人元松江學正洪武中徵爲文華  
殿大學士以老致仕有砂岡集

次雲林韻寄孫君寶

腐面筆耕豈謀生與世濩落獨高情綠尊有酒誰共醉素琴  
無絃聊自橫湘簾在鉤月當戶羌笛惄人花滿城幽居不知  
春事盡見客只言詩未成

周漣

一  
首

漣字伯甯上元人明初爲大理寺丞累遷至刑部尙書

曾燠江西詩徵周漣鄱陽人與李宗頤劉原善辛敬  
萬石楊伯謙輩稱江西十才子  
田按宋景濂序劉子高詩云子高東晉走豫章與辛  
敬萬石周漣楊士宏鄭大同遊五人負能詩名相與  
楊惟楨風雅劉仲修序子高詩亦云豫章萬石大梁辛  
敬襄城楊士宏秣陵周漣鄭大同以歌詩自雄子高  
與之馳騁上下名聲相埒據此五人中惟萬石爲豫  
產其餘皆僑寓於豫章者也列朝詩集明詩綜金陵

瑣事瑣瑣湏爲江甯人明史江西詩徵稱湏爲鄱陽人  
一據其本籍一據其流寓耳子高與湏交分不淺寄  
詩云交友今誰在東遊最憶君清尊澄夜月絲筆動  
春雲楚甸烽煙合秦淮樹色分相思愁日暮花落正  
紛紛又題薛克恭金陵竹西堂歌云上元周湏吾故  
人別來五見桃花春昨朝卷中誦題句使我感慨懷  
清真湏集不傳所可見者列朝詩集數詩而已

### 寫江岫晴圖

汀洲碧草生鳧雁動春聲莫上高臺望能傷送別情

田按尙書善寫山水蘇平仲題周伯甯春晴江岫圖  
云尙書襟懷絕瀟灑揮毫往往凌輩馬平生一筆頗  
自珍數尺新圖爲君寫吳友義有題伯甯江山送別  
圓詩劉子高有題伯甯梅鎔圖詩又贈曾沂畫山水  
詩序云上元周湏伯甯以翰墨名品重當世曾生及  
門而受益焉余徧檢紀明一代畫家者無尙書名當  
據此數詩以補其缺

### 滕毅

一首

毅字仲弘鎮江人太祖征吳以儒士見授起居注吳  
元年出爲湖廣按察使洪武初擢吏部尙書改江西  
參政

三閭大夫祠

禡帷褰薄暮迴颺吹白雲下有栖神宇慘淡臨江瀆行吟旣  
不返遺響甯再聞綠榮并丹綵婉爾含清芬沐芳正冠佩酌  
水炷夕熏長歌靈谷應春思何紛紛願言卜瓊茅巫咸不可  
羣渚宮望儀羽再拜雲中君

楊訓文

一首

訓文字克明潼川人元淮海書院山長明初徵爲起  
居注厯左司郎中太常卿出爲湖州知府改知汀州

擢禮部尙書改戶部出爲河南參政

采石

騎鯨仙人海上歸至今草木猶清暉千山落日送樵笛萬里  
長風吹客衣春空蛾眉浮翠黛夜光犀渚沈珠璣神遊故國  
應過此高冢臨流知是非一作勝穀詩

李質

二首

質字文彬德廣人元末爲何真府掾洪武初歸附授  
中書斷事改都督府斷事擢刑部侍郎進尙書尋出  
爲浙江參政以老召還京師復起爲靖江王相坐法

死有樵雲稿

田按文彬身丁元季海水羣飛集兵保障鄉里援撫士類名士客嶺南者茶陵劉三吾江右伯顏子中羊

城孫費建安張智皆往依焉宋景濂所謂薦紳之勝  
流岩穴之處士驩然稱李公也其死也費有詩挽之  
云相國靈舉闋九京桓桓松柏表佳城風雲已際興  
王遲雨露偏傷孝子情一代文章遺竹簡千秋彝鼎  
勤勸名平原賓客今誰在獨瀉椒漿帶淚痕

遊西湖與徐都尉分得香字

輕雲閣裏弄春光湖水湖山引興長荷帶漫繁春浪細宮花  
初試越羅香荷杯擎露皎人泣翠葆掀風海樹涼好傍綠陰  
雜葢舫高歌白紵送清觴

過揚州

三十年前記此過皆春樓下駐行窩十斗金盤露二八  
雙環玉樹歌自昔瓊花祠后土至今荆棘卧銅駝江都門外  
王孫草怨入東風綠更多

韓宜可

一首

宜可字伯時會稽人洪武初薦授山陰教諭改楚府  
錄事擢監察御史出爲江西按察僉事坐事免復徵  
至京授山西布政使謫安南建文時起雲南參政入

拜左副都御史卒官

即按伯時官山西布政時以事安置安南建文帝卽位用檢討陳性善薦起雲南參政列朝詩集明詩綜均云謫雲南誤矣

題蓬萊深處

聞道蓬萊別有春五雲深處隔凡塵松迷鶴逕渾無路花暗  
簫聲不見人滄海日華翻貝闕三山霞氣逐飄輪劉郎自是  
神仙侶何用天台更問津

張籌「首

籌字惟中無錫人舉元浙江省試第一洪武初以薦授翰林應奉改禮部主事出爲湖廣參政擢禮部尙書坐事罰輸作起禮部員外郎尋復尙書田按惟中七古有氣概餘詩多不入格

劍石歌

千將飛空化爲石石耶劍耶誰復識陽文蘊秀墨色古陰纓積潤苔花碧卻疑女媧補天時手斷鰐足爲立極風霜剝蝕綠龜紋鬼神攜護蒼龍脊東吳南越事已矣何物君家乃有此好奇笑殺白猿公有道終歸赤帝子日出遙瞻殺氣凝雨洗似聞妖血腥煅煉不資爐鞴力胚胎自是陰陽精鳳山見

之三太息至寶恐爲豪者得翩然作歌頌其德神物揮霍生顏色我能爲爾礪鋒鏑發爾幽潛使昭赫出掃妖邪扶正直莫令良善相戕賊慎勿立此空庭側

黃甫

三首

肅字子邕建昌新城人元季官禮部主事明初歸附命仍故官擢侍郎降工部郎中復擢侍郎進尚書出爲廣西參政坐黨禍死有醉夢稿

田按明初新城稱詩者劉子憲黃子邕二人皆長於古體王忠文序醉夢稿云子邕斥漫衍以爲簡屏華縟以爲質黜奇詭以爲平易華靡以爲實殆幾於古可謂知言

長相思

望歡城南頭覽取別時路路上有深井井上有雙樹樹有東

西枝枝葉盡相附去年東枝榮今年西枝悴年年望樹枝樹  
發行人歸

寄劉紹

城南劉子憲來往卽吾家連櫺書樓小鉤簾石壁斜金圓霜  
捧橘冰碎夏分瓜苦爲吟詩癖更闌更煮茶

田按明音類選稱劉子憲吉安人竹垞詩話云胡子  
申爲子憲作山居十詠其三曰仙臺山在新城三十  
里子憲非吉安人審矣此詩首二句城南劉子憲來  
往卽吾家子憲子鬯皆新城人尤爲確證

明日知何地杉關十月天遙憐五載隔不見一書傳簌蕩聞  
還海艱難愧客燕幾時歸碧澗相對看紅泉

劉紹十八首

紹字子憲以字行自號緯蕭野人建昌新城人洪武

## 初官翰林應奉詩載元音遺響

城田按元音遺響十卷前八卷南城胡布詩後二卷  
終編輯者惟子憲及子憲詩也布字子申達字子充皆以隱居南  
明初江右詩家首及徐子憲在明初名三人皆元遺民故誤稱  
憲五言風骨勁特蓋推泰皇明風雅皆云官翰應奉  
子申與子憲論詩文云黃口至白髮鼎鳴文雅志復古  
嘆古之人濡沫批興糠已如風雷翔翹首旣無卓爾見難局升斗  
每下萬人足未踰一邦師學故取踏輝辭章披嚙  
難譏苦澁陳腐如馨香烈烈三百年來反規以聲老蒼謙披嚙  
矢盡不相諧己泥大雅莊文無從取踏輝辭章披嚙  
端安道理趣因隨大雅莊文烈烈三百年來反規以聲老蒼謙披嚙  
竭世儒行狂模索事炳泰漢篇王風靡靡求方蒼謙披嚙  
獨既竟此曲巧漸高飛宮流唐唐長揚商言對五留  
其詩曲悲且長揚商言對五留

## 秋懷

高步視六合河山邈悠悠浮雲西北來慘淡增我憂世乏稷  
禹傳皇皇將焉求乾坤妙闡闢元氣浩不收經綸信有待明  
哲奚淹留自非遺世士何能守斯邱

雜詩示宰獻

日暮懷所思涉江采芳澤飄飄蘭蕙花春氣滿南國如何同  
心人言笑千里隔采之不成遺中道賓愉憚淒風忽悲鳴鶗  
鷴聲惻惻恒恐芳意擢榮華不常得

送王潤之官陝西

遠宦入秦關鷄鳴肅征袂咸陽秋莽蒼古水咽清渭登臨盼  
形勝立馬慨興廢落日照終南行人在空翠淒涼鄉國念慘  
淡遊子意孰和莊鳥吟遐思渺天外翳余契金石惜別勞夢

寐何所更持情臨分乏瓊珮

送李端甫歸覃懷

典教出中州  
趨庭憶河縣  
長波瀉天塹  
掛席過淮甸  
游雲澹飛雨  
碧樹鬱葱蒨  
豈不煩爾思  
臨衢極深盼  
繁華貴知止道  
養沐殊眷日暮  
念遊方升堂慰  
情戀論交我無  
晚結分誠婉變  
恨望王屋雲懷人  
夢中見

鍾山曉晴圖爲尙書生陳宗進賦

靈崖多幽姿  
朝日射翠微  
丹黃冒其頂  
絳氣蔚以彌  
瓊璨璀璨梵  
王宮朱臺儼崔嵬  
雲光發天藻  
綴戶分陸離  
遐瞰極鴻濛  
元和固天倪  
瓊英灼三秀  
玉樹交春荑  
我願酌石髓  
駕言候安期  
天門正鳴鳳  
翠攀梧桐萋

涿州

抱介心僂媚離光滋慨慷叩闔道無由惻惻辭帝鄉寒冬百  
卉腓驅馬蹠嚴霜晨過涿鹿城驚颯恍沙場息徒用稅駕遐  
眺臨空荒羣山從西來千里橫青蒼倚劍事悲咤令人憶軒  
皇蚩尤今則無戰伐何茫茫落日笳鼓發連營旌旆揚吾行  
竟何之流止嗟殊方

真定城

客行抵燕南獨夜車轆轤斜月耿流光繁星動天末逶迤出  
深壁彷彿見城闕擊析接耳聞哀笳向晨發維時重圍解二  
鎮兵禍結吞噬徇乃私邊隅忍流血防虞此何謂國恥殊未  
雪感此竟惘然悲歌激林樾

滹沱河

夙駕遠鎮都客行有前期蓬飛歲將晏恨恨臨高岐長河動  
我前夾岸流水澌澌次向晨渡馬鳴遊子悲天寒野無人世  
梗道路疑豈無故鄉懷辛苦曷得辭貧賤本吾分險艱庸自  
持嗟哉雲臺勳千載今得知

磁州市

高原黯平蕪霜重日色死客懷增悲辛行邁日靡靡汾陽跨  
邢衛雞犬接閭里隱賑富人煙魚鹽喜成市岐亭向朝泊接  
浙事薪水貢酒慰我徒停驂縱遐視側聞西州事骨齒莫相  
倚列戟滿潼關并吞詎能已

鄆下述懷

殘壘宿歸雲鴉鳴滿長洲驚風日夕起倒捲漳河流借問客  
遊子蓬飛幾時休沙塵暗長淮風雨迷舊邱獻業不得意征  
車曾少留此邦古名都控帶綿西州井竈列萬家甲兵當戎  
蒐以守足固禦以功代先謀在昔雄武人憑城逞英猷蟻封  
曹瞞壞塵滅高歡樓陳迹竟已矣登臨眇予愁

清化鎮

驅馬出衛郊羈離嘆流冗窮冬天雨雪所厯涉深恐茲晨過  
名鎮井屋河山拱天外見戍樓雲旗畫飛動江淮事綿邈關  
陝勢奔匈大夏歟得夫奇艱百千九妻因面蓮朴上旄窮鳴  
寵行矣拂青萍悲風鼓余勇

福昌塞在宜陽西

崎阨通宜陽中條勢聯絡嶺巖福昌寨岡阜相倚澗上平行  
千畝下瞰延清洛喪亂設重關哀笳間鳴柝我行愧口歲憑  
覽感今昨秋色滿南雲寒聲殷寥廓蒼茫蒿頬思寂寞采芝  
約孰與濟時難含淒嘆淹泊

河南露寶寨近嵩州鳴皋地

搏壁上層峯乘雲躡天闊風濤鼓羣有九野何漫漫二氣無  
端倪陰陽自循環河山拱中區萬古情不刊而我一粟微覽  
之意茫然天地則瘡痍風塵靖荆蠻連山黯巫衡殺氣迴飛  
翰感往豈不感悲來愴宋顏

宜陽洛南山二十里至楚家莊

洛陽多青山走勢連三室幽林石龍挺谷轉峯嶧鬱我行觸

奔突登頓迷徑術。沵溜發岩光。寒陰籠白日。况聞避地人。陶復相比密喪亂。各因依偷生。餘鰥航兵戎。幾時已撫事傷懷。質山空。翹翹號石裂。蛇蟠出。豈復慰曩懷。行行悵如失。

落雲軒

華頂拂秋影。陽林澹初暉。山雲落層軒。爽氣吹岩霏。默爾契心賞。橫琴當翠微。飛蘿結松暝。雨色涵清池。信美子雲宅。載醪將問奇。

題畫

嘉禾結繁蔭。山房抱秋陰。開門白雲入。爽氣吹森沈。惆悵飛羽夕。清歌對孤岑。誰與賦招隱。興發邱中琴。

江風山月亭

華月上蘿壁江風澹疎櫓金波泛遙渚長夜秋泠泠蕭瑟瀛海思悲歌  
緬雲屏無彈五十絃恐有蛟龍聽

送李成還山西省詩

馬首去離亭西行幾日程山圍潞子國雲接太行城驛道秋花  
白沙津候雁鳴到家晨省日應未歸情

明詩紀事卷十三

貴陽陳田輯

用鐵

袁凱二十首

凱字景文松江華亭人洪武三年舉人薦授監察御史以病免歸有海叟集四卷

何景明大復集我朝諸名家集獨海叟詩爲長叟歌行近體法杜甫古作不盡是要其取法亦必自漢魏以來者其所造就蓋具體而未大耳  
陸深金臺紀聞國初高季迪與袁海叟皆以詩名而雲間與姑蘇近殊不聞其還往唱酬若不相識然何也都元敬嘗道季迪有贈景文詩曰清新還似我雄健不如他今其集不載是詩元敬得之史鑑明古史序在野朱應祥岐鳳岐鳳吾松人以詩自豪於一時焉國雅袁侍御景文才情道拔往往有奇語尤聞于詠月夜已風卷上三

物其題白燕間笛頗爲時口贊矣  
香祖筆記明初詩人共推高季迪爲冠而大復獨以  
海叟爲冠空同許爲知言今讀其詩古詩學魏晉近  
體學杜皆具體而微耳遠躋之清邱生之列未免失

倫明詩別裁李獻吉謂海叟師法子美何仲默謂歌行  
得杜之體鄙意傷於平直未極變化若七言斷句在

李庶子劉賓客問青邱孟載俱未及也

田按孝陵嚴切海叟以權誘免幸矣大雅集錄海叟

蚊詩云羣蛇戢戢方鬥爭蝦蟆跕相和鳴百足之  
蟲行無聲毒氣著人昏不醒蚊蚋雖微亦縱橫隱然  
如雷吁可驚東方日色苦宋明老夫閉門不敢行蓋  
元季傷亂之作何元朗四友齋叢說引爲譏切太祖  
亦附會之過也海叟詩骨格老蒼莽擬古人無不逼  
肖亦當時一作家何大復標爲明初詩人之冠過爲  
溢美宜諸公之不取也

下直懷北山隱者

載筆侍雲陛向夕始餘閒撫彼清冷觴慰此憂戚顏出軒月  
纓皓臨街露已繁廣庭行且止修檻去復攀幽樹靄深翠餘

花發微殷俯仰不知夕星漢忽西還歸來空房卧嚴城漏欲  
殘鴉鳴九井動劍佩亦珊珊將隨夔龍後祇肅謁重關緬懷  
息心侷遺世在雲山焉能從之去逍遙巖桂間

遊西墅

吳王逐獸地士衡聞鶴亭古人不可見荒原今獨行遺堵儼  
若存阡陌復縱橫依稀望極浦迢遞盼春城江樹旣掩靄原  
花復晶熒長煙覆漁屋白水亂崑汀山川豈云異人事有消  
停卽此傷往時聊復樂其生寄言後來士此理可自明

池上

二首

秋池行樂去池樹色已暝露下夕衣涼月上風簾靜饑禽曉  
疏竹鳴蛩出深井夜久人事息蕭然諸念屏

振衣書齋客逍遙池上步林隈薄霧起石隙幽泉度鷗迷夕  
樹返魚觸秋荷去清聲水上來欲去更延伫

偕友人早出郊

離羣寡游豫得朋殊繼倦相將度春水散漫入芳甸班荆煙  
乍歛摘花露猶泣林鶯坐未出沙鳥飛還見遙山浮空翠晴  
雲曳輕練一聽野人言復起滄洲願

觀朱澤民所畫山水有感

朱公畫圖愛者眾聲價端如古人重王卿鉅公數見尋往往  
閉門稱腕痛我時挾冊遊郡城朱公愛我詩律精時時沽酒  
留我宿共聽西宿風雨聲清晨起來忘洗盥短衣飄蕭臨几  
案大行中條眼底生岩岫冥冥氣凌亂禹鑿龍門疏洚水根

入黃河源不斷南及衡陽抵桂林東入會稽連海岸是中寶  
我一畝宮正如浮萍在江漢溪流涴涴石齒齒夾岸桃花途  
遠邇原頭煙霧散雞犬屋裡詩書雜童稚扁舟遠來知是誰  
豈是昔日鴟夷皮五湖蝦菜殊可樂千古功名何足奇只今  
四十有三載公竟不歸畫圖在世間好手豈易得終日紛紛  
勞五彩感時念舊心獨苦况我頭顱白如許呼兒捲卻不忍  
看白髮高堂淚如雨

贈張鳴善

白帝城中客清秋碧海旁乾坤方洶洶身世獨遑遑萬里空  
形影全家墮虎狼悲歌三百首一一斷人腸

春日偶書

龍官御史府屏迹五湖東江水供漁釣山花費酒筒野情方  
浩蕩高論入虛空明日春田事還尋荷蓀翁

江上早秋

靡靡菰蒲已滿陂菱花菱葉共參差卽從景物看身世卻怪  
飄零枉歲時得食野鳧爭去遠避風江鶴獨歸遲干戈此日  
連秋色頭白尤多宋玉悲

南村

南村煙樹接蒹葭白鷺翩翩滿白沙此地遂成茆屋計何人  
更識老夫家卽聞斷蟬行新竹便接平皋樹雜花戎馬紛紛  
終未已此身泛泛獨長嗟

寓所

草閣閒庭春水邊雨薄風柳自紛然隣翁對客還爭席水鳥  
依人欲上船西北朝廷無使節東南城郭自烽煙老夫避地  
非遊說正少蘇家二項田

次楊廉夫先輩韻

吹笛春江煙靄稀幽芳小草總相依巫峽寧知雲雨夢滄州  
欲拭芰荷衣花閒鶴鶴迎人起波上魚龍挾棹飛不似南州  
庾開府鄉關頭白苦思歸

白燕

故國飄零事已非舊時王謝見應稀月明漢水初無影雪滿  
梁園尙未歸柳絮池塘香入夢梨花庭院冷侵衣趙家姊妹  
多相忌莫向昭陽殿裏飛

楊儀驅珠雜錄常熟時大本賦白燕詩云春社年年  
帶雪歸海棠庭院月爭輝珠簾十二中間捲玉剪一  
雙高下飛天下公侯誇紫領國中傳侶尙烏衣江湖  
多少閒鷗鷺宜與同盟伴釣磯錄呈楊鐵崖鐵崖亟  
稱珠簾玉剪之句袁景文在坐曰詩雖佳未盡體物  
之妙廉夫不以爲然景文歸作詩翌日呈之鐵崖擊  
節歎賞連書數紙盡散坐客一時呼爲袁白燕以此  
得名

靜志居詩話海叟居松江府治東門外崇禎末單麻  
城拘卽其址構白燕菴李舍人待問書聯於杜云春  
風燕子依然入東海鰻魚不可尋相傳孝陵有言東  
海走卻大鰻魚何處尋得爲海叟而發也

王士禎滄浪詩話松江有白燕菴海叟故居也康熙  
丙戌門人周策銘寫其遺集相寄余感而題之云鼎  
足高楊爾不慙百年遺蹟改名藍鳥衣王謝俱零落

### 京師歸至丹陽逢侯生大醉

白下西風吹夜涼五湖秋草著微霜千家砧杵初凌亂獨客  
關山正渺茫歸去定應殘照盡飄零猶幸此身強丹陽郭裏

盈樽酒且爲侯芭發醉狂

懷會彥魯

不見曾公白髮侵酒杯  
某局最關心年華冉冉情何限  
江海悠悠水正深  
欲買小舟隨雁去  
便從幽壑聽龍吟聞其極往來龍井  
明年春滿長洲苑  
拄杖穿花處處尋

題吳王內涼圖

微月斜侵響屢廊  
芙蓉清氣滿金塘  
鴛鴦只傍闌干宿  
也愛君王水殿涼

日暮卽事

茅屋秋來破不勝  
野雲沙樹自層層  
老夫生理今拋廢  
日日江潭去採菱

江上寄書

湖南估客發西津東入姑蘇花正春獨有相思數行字欲從  
江海問情人

贈歌舞女童

漳河女子薦良童名在先朝樂部中記得教坊新隊子江南  
江北舞春風

瓜步夜泊

千里長江雨乍晴江頭燈火夜深明爲報高樓莫吹笛故園  
東望不勝情

蘇伯衡七首

伯衡字平仲金華人明初爲國子學錄遷學正被薦

擢翰林編修辭歸洪武十年學士朱濂薦以自代復以疾辭後爲處州教授坐表箋誤下吏死有平仲集

十六卷

田按平仲以古文鳴宋景濂送平仲還鄉序云平仲辭章體裁嚴比姿態橫逸如春陽被物或根或荄或卉或條或小或大或圓或偏各隨其物而暢之無有同者又云司馬溫國公光賚治通鑑成一家言宋之後元承之宋有李蒸雖嘗著爲編年異同之論皆並存之蓋不敢當作者之任元史新修十四朝之行事亦頗粲然可觀有能蒐輯以續司馬之書者將不在此今日平仲學術富而辭章美其東菴也將操筆削而成百代不刊之典其爲老輩推重如此平仲之官學錄也在丙午七月吳元年丁未進學正見所作國子學同官記其被薦在洪武元年庚戌集中有庚戌七月初九日晡時御筆宣喚詩云元霜潤霧動龍香水殿蝦書題愛晚涼蠅虱小臣惟感愧姓名衣被五雲章明日入見奉天門口號云玉階俯伏聆天語金匱抽無似只合山林送此生藍引見後授漏修卽以病辭書亦許陪又明日詣相府控辭述懷云只緣多病兼

也其官園子前後五年胡仲子跋平仲集云平仲居太學六年提要疑爲史誤余詳檢本集蓋仲子誤加一年史不誤也集中又有被留校錄元史史館雜書詩云筆削自從尼父後文章無過馬遷優坐銷官燭知無補絲絡翻慙進庶羞蓋辭官後又被留史館至明年始得還也平仲夙懷恬退連雨雜書詩云快去胡不早無營尙盤桓東齋夕書詩云偶隨孤鶴行時見疎螢度卽此有餘歡何況山中去歐後景濂旣以自代力辭還山二十一年聘主會試後辭還尋授虛州教授以表箋忤旨下獄死二子恬恰救父並被判贊其下安有完卵其爲斯人言哉平仲集十六卷詩僅一卷非其所措意而澤古旣深風格亦自齊舉其他著述無間集本近亦罕見余假之江陰繆氏雲在翁

### 送宋起居還金華

長揖謝宦徒還歸戒征軸眷言幽貞廬曾在仙華麓就養望旣盈考槃願亦足儲清游昔地蘿荒理舊竹蘭佩紐春蕤荷衣製秋綠沉淥晨三嘯彫胡晝九轡從今猿與鶴不復怨幽

獨

連雨雜書

江雨殊未已江風生早寒今我悄不樂喟然起長歎決去苦  
不早無營尙盤桓徒貽父母愁歲晏衣裳單

東齋夕書

幽居得自怡野性方愜素高枕一酣眠長廊獨閑步白日誰  
云長青山忽已暮皓月照前階涼風滿高樹偶隨孤鶴行時  
見疏螢度卽此有餘歡何況山中去

贈徐季子

百金不惜市梔鞭兩耳不解聽朱絃人情如此亦何以我每  
見之獨慨然夫君懷寶起浙右掉鞅觀光來日邊夙學人言

破萬卷新製我喜競幾編金莖玉露足秋爽林花澗草爭春  
妍紛紛牛毛豈不多振振麟角爾固專摛藻詞垣翻舍置採  
芹鄉泮仍留連所好者竿鼓者瑟猶柄以方鑿以圓陳平丰  
姿若冠玉鄺生辯口如河懸禮意殷勤日三接華賓歟歷歲  
九遷由來利鈍係遭遇未必愚智殊天淵樂育青莪亦已重  
況乃桑梓敢不虔去國不賦北平什還家徑上東吳船大材  
小試吾竊歎冷官不厭子乃賢審子閱世倏四十守官太學  
垂五年包羞待問成倚席畢景兀坐寒無氳勲業空期蟾附  
驥俛仰卻笑夔憐蛟彼哉浮榮勿復道歸歎樂事言難宣會  
稽雲門最幽絕鑑湖剝水交漪漣玄猿嘯呼山近星白鳥明  
滅江吞天雲閒往往得靈藥月下時時聞采蓮多暇應爲曲

水會乘閒便作東山眠。村翁溪友總愛客，蕨芽蕷菜不計錢。  
酒酣更斫銀絲鮆，簾就還灑蟬翼。牋並遊只許鐵冠子，同載應懷玉局仙。  
願言留榻以相待，一曲擬乞君王前。

贈王彥和檢校還北平四首

錄二

拜表趨丹闕，承恩宴紫宸。羽儀江左彥，簪紱幕中賓。玉液金盃出璫筵，錦瑟陳轅門。恩賛佐迴轡，敢逡巡。

乘傳歷長途，齊封接魯城。頻年經戰鬥，幾處遂耕鉏。小市尊多酒，貧家飯有魚。重來朝覲日，爲報玉階除。

田按彥和名鍇，處州人。與兄鍾一母同乳而生，鍾字彥中，早卒。劉伯溫爲文以哀之。彥和與修元史附見明史。趙鼎傳史不詳其仕履，余錄高季迪贈彥和赴檢校北平詩僅詳其授職耳。今錄平仲詩復檢平仲文集，有送王彥和序云：「彥和儀觀甚偉，於書無所不讀。弱冠借其兄彥中試於鄉，不中卽棄去，作爲古歌。」

詩雜文長老咸推讓焉今春以議禮被徵而起尋承  
詔入史局纂修元史比史成北平之命下高君季迪  
率朝之搢紳賦詩以華其行而余序其簡首彥和爲  
宋給事中信之後家有槐堂劉伯溫爲之賦詩云晉  
公庭上三槐樹千載流傳是德符今日耳孫思繼述  
昔年手澤歎荒蕪當窗欲看屯雲葉夾徑先栽待雨  
株會見枝頭金粟蕊秋風吹送上方衡余於前後史  
局諸公無詩可採者必詳其事蹟平仲又有夏尙之  
太史哀辭序云我師克燕拔其知名士赴南京太史  
夏君以老病乞歸會遣使分道搜訪元史乃強君如  
江廣君辭不得命乃行至番禺以疾卒君名以忠  
字尙之袁州人據此則夏君又續修庚申君史分道  
採訪十二人之一人矣

### 送蔡思賢參政使蜀

清晨旌節三川去今日車書萬里同燕餞都亭來詔使傳驛  
鄉井訪鄰翁峯經迴雁邊聲靜峽入嚦猿樹影空昭烈祠西  
諸葛廟秦州城北隗囂宮神交露立蒼茫際長嘯風生感慨

中毛伯昔聞周上介隨何今見漢明公布宣德意相如最襄  
括山川太史工河隴從茲兵不擣輶轍此去路相通庭充楠  
柚陳方物歌聽巴渝識土風最是多情江漢水直隨歸楫到

江東

田按思賢名哲武昌人丙午夏主明昇遣使來聘太  
祖使恩賤報聘諭曰蜀使者多飾浮詞誇大其國徒  
取人不信汝至蜀慎無效此其政行也同朝多有贈  
詩詹同文詩云東吳霖雨依西蜀將星明水落黃牛  
廟雲開白帝城邦交修玉帛賓禮會簪纓座賈無裝  
贈楊雄有賦名詞源流峽水詩筆發天聲邛竹臨風  
看巴船載雪行錦官談舊俗金節促歸程聖主龍顏  
望慈親白髮生鳳池邀闊老馬首出郊迎

童冀

二首

龔字中州金華人洪武丙辰徵入書館出爲全州教  
官遷湖州教授調北平坐罪死有金華南行雪川北

遊等集合爲尙絅齋集五卷

四

庫總目童冀在明初與宋濂張羽姚廣李相唱和詞意清剛不染元季绮靡之習雖名不甚著而在一時

作者之中固亦足相羽翼

胡翰仲子集附微士高節非晉宋人比故世慕之韋應物之擬作蘇子瞻之和篇往往不絕中州是集蓋兼取二家而熔铸乎柴桑栗里之間可謂好之篤而

思之精

田拔中州金華城川十詠序云洪武丙辰冬忝徵至京明年而職教全湘泝大江西上五千里是嘗爲全州教官矣集中零陵水車行贈丹崖隱者等詩皆此時作也次衍公約看杏花詩云往年爲客上湘水萬里不異僧行腳東還苕霅又十年日夜思歸歎蕭索蓋官湖州教授者最久故云苕霅十年也張來儀爲中州題畫詩云吳興博士今鄭虔故山未歸雪滿巔今年召對席屢前蒙恩親賜水衡錢蓋職教湖州時曾朝京賜錢遣歸也集中擬古詩云我生七九年始識廣莫風則遷北平教授時年已六十三矣中州前和陶詩胡仲子書其後錢牧齋云蘇平仲書其後余檢平仲集無此跋疑牧齋記誤也後和陶詩獨菴少師跋平仲才力老成學問淹貫其和詩如蘭抽泉

決畧不見其艱窘又奉答中州詩云金華先生老而  
逸欲作山中看花客寄來長律冰雪清往往丁寧看  
花約深致推挹金華明初作家林立往往以古文擅  
長若中州之詩與數子角立於壇坫之間當亦不多  
讓也

### 讀山海經

西極有玄圃東溟闢丹邱駕言往從之道遠孰我儻神仙不可見弱水無安流不如返故居何事空遠遊

人生無百年口腹累甘旨甯知圜邱上乃有人不死赤泉亦  
暫飯生草信不履冥欲可長年大藥何足恃

### 申屠衡二首

衡字仲權大梁人徙居長洲洪武三年授翰林院修撰謫謫濛有扣角集

楊維楨西湖竹枝集仲權少貧恥爲商賈胥吏之習  
銳志經史善屬文然爲時經生而兼工詩翰度越流  
輩時論難之其擬詞云青鎖春閒漏點遲博山香媛  
翠煙微隔簾誰撼金鈴響知是花閒燕子歸可以列

才子之林矣  
田按仲權鐵崖弟子洪武三年被徵草渝對文稱旨  
授翰林院修撰以病免旋謫濠作爲詩歌號抑角集  
貝廷堦稱其大篇短章和平古淡無哀傷怨懲之辭  
庶幾知命者詩沿鐵體流傳不多

### 西湖竹枝辭

白纻衫兒雙髻了望湖樓子是儂家紅船撐入柳陰去買得  
雙頭茉莉花

春去春來愁別離淡妝濃抹妬西施只今五斗青螺黛留待  
郎歸卻蹙眉

張昌一首

昌字思廣臨汾人洪武初官國子助教

出按思廣與貝廷璫趙本初錢子子劉子憲同官國學推爲一時之選其罷助教歸也廷璫作文贈其行稱思廣學足以相資言足以相發暇則與同輩出自下門登鳳皇臺倡和成什皆推思廣爲冠惜詩不多傳不足見所長也

送李廷芳應察公辟

太行山下陣雲高破賊先登氣自豪全晉無人居險要西秦有客度洪濤關河形勢歸吟豪天地經綸入戰韜知已柱臣今郭李功名咫尺冠諸曹

鮑穎一首

穎字尚毅歙人明初以薦授博士廳典籤遷翰林院編修擢修撰出爲耀州同知坐罪死

田按尚襲以詞臣扈從鍾山帝御擁翠亭給筆札賦詩時同賦者朱升張以甫秦裕伯單友中李某鐵冠道人也楓林翠屏有集行世餘者無詩可採余於程墓墩新安文獻志獲尚襲詩一篇尚襲出知耀州高季迪賦詩送行云鑿坡初罷直西去惜離羣載筆府供奉塞帷漢使君濁流河驛雨高樹嶽祠雲公暇應懷古登臨賦夕轤尚襲政績頗有可述死非其罪唐梧岡有文紀之

書師山先生所題黃山崖石後

蒼崖百尺與雲齊徵士重來爲品題姓字一時通漢史文章千載並流溪春深莫遺莓苔沒日煖應添紫翠迷猶憶匡廬當日事短檠山雨五更雞

王立中

四首

立中字彥強長洲人以蔭授開化尉元末知嘉定州遷松江知府吳元年歸附攝松江知府有穉齋寓齋

辨隱三集二十卷

西湖竹枝集彥強少年倣達俊物晚刻節厲行能以  
門蔭公子爭秀於作者之林  
田接實錄吳元年大將軍徐達攻蘇州遣元帥楊福  
參謀費徵直諭松江府守臣王立中以城降達令立  
中就攝府事旣而上命苟玉珍代之高季迪送王太  
守遷雲閒詩云男屠猪羊女鬻酒共禱神祠留太守  
太守今年遷大州除書已下誰能留兩州相去無百  
里失君應愁得君喜安得如君數十人一時盡福東  
南民又有送王邑長彥強詩云雨昏沙澈蒹葭溼離  
人暮逐江鴻集田家迴首隔村遙煙焰遠連一帆入  
縣齋明日寫秋吟古城高樹清砧急彥強生三子璵璵  
林璵字汝器璵字汝嘉璵吏部主事璵璵官翰

西湖竹枝詞

孤山梅花開雪中恰似阿儂冰雪容不學畫橋南畔柳春來  
容易嫁東風

湖山堂前密雨飛蘇公隄上行人稀喚郎扁舟早同去春泥  
日晚汗郎衣

絕句

春波橋頭柳似煙越王城郭在西邊我家遙屋皆春水盡日  
鴛鴦隨釣船

梅粉凝嬌不肯添晚雲籠暝壓重檐江南可是春寒甚十日  
東風不捲簾

林公慶

一  
首

公慶字孟善處州人明初官翰林出爲松江知府

長沙

定王臺上闌中土西望長安多白雲賈誼才高空有賦河間

博雅更無聞

張率 一首

率字孟循廣信人吳元年徵知嘉定州有張嘉定集

錢塘懷古

南渡諸陵玉柙灰  
錢塘孤塔是幽臺  
石麟久向雲根沒  
金雁何曾海上回  
掘漢赤眉因世亂  
賓周白馬自天來  
沛中王氣非陵寢  
徒使遺民過客哀

田按楊璵真珈掘宋諸陵哀帝后遺骨瘞於杭之故宮築浮圖以壓之號曰鎮南陳剛中鳳凰山詩云浮圖百尺鑿亭亭落日鴟鴞野蔓青苔錢塘懷古詩云劫火不燒楊璵塔怒風還激伍胥湖孟循此詩與二作同一後楚陳越兩山墨談云子聞楊禿所營浮圖凡三經雷震最後乃焚其金裏之尖頂若瓠莖者考鎮南之跡元人謂在杭之興元寺寺故宋大內也今杭之鳳山門外雖諸寺俱存然不知何者爲興

元意者國初修復城隍之際有識者惡之特剗去之  
耶

包尼授

一首

尼授一名聖字師聖江陰人洪武初以明經辟授岳  
州同知有鶴洲遺橐

田按永樂中朱紹輯高季迪楊孟載與師聖詩爲三  
先生集師聖詩不逮高楊遠甚紹爲師聖外孫欲私  
其外祖耳

登岳陽樓

江通巴子三千里雲鎖湘娥十二鬟爲語遊人莫吹笛潛龍  
淵在月波灣

涂穎

三首

穎字叔良進賢人明初授中書典籤遷太常博士

田按黃勗之遊金陵與叔良及朱文昭倡和文昭詩不可得見叔良七言斷句頗有風致

題山水圖

憶昔灤陽八月歸北風吹雪灤秋衣槍竿嶺上停車望萬木蕭蕭落葉飛

上京次貢待制韻

竹宮晉晉秋風晚芸閣沈沈晝漏稀獨有蕃僧承詔寵紅衣白馬退朝歸

閣山雜咏

露盤直瀉上池水玉桂高搖碧落煙雁宿匡廬甲天下無人來看第三泉

朱逢吉

一首

逢吉字以貞崇德人洪武中官大理寺丞

題雲林畫

昔年來看墨池鵝  
風雨扁舟載酒過  
一自春歸清閟閣  
幾番蛛網落花多

金納

一首

納字子尙嘉興人元季舉鄉試洪武初知蘇州府以  
請減賦額賜死

小集南湖分韻得猶字

妖狐叫夜澤機槍照神州  
大地無完郛人血當川流四塞失  
危阻况乃此平疇林洞盡  
野火圍榭爲荒邱奔竄寃何所進  
退徒夷猶不有良守牧何以得依劉仰面見明月清光似君

侯旣照我心曲還憇我離憂

涂幾一首

幾字守約又字孟規宜黃人有涂子類藁十卷

戎王出獵圖

九月遼陽草正黃天山飛兔白如霜驍騰已合三軍勢猛銳  
猶思百戰場金鼎割鮮供上將玉甌和血飲名王燕支小隊  
穹廬出也向天邊獵雁行

鄒矩一首

矩字元方宜黃人洪武初以儒士薦授南城訓導有

集

雲關嶺

朝從雲關遊暮向雲關宿仙人駕雲車遺我雙白鹿誰吹紫鸞笙清響在林谷

吳彫二首

彥字文明臨川人元進士除贛州錄事明初以薦授國子博士同知嚴州終北平按察副使

峽口晚泊

翠壁隱殘照滄洲生夕陰鷗鳥忽飛去幽幽春水深日落潭水綠松閒聞子規征途一萬里江月每相隨

明詩紀事卷十四

貴陽陳田輯

田輯

徐一夔二首

一夔字大章天台人徙嘉興元末建甯教授洪武二年徵修禮書三年書成授杭州教授六年與修日曆書成將授翰林院官以疾辭賜文綺遣歸有始豐類

稿

至正庚辛倡和集補傳大章博學善屬文危太僕在元時嘗言於朝授建甯路教授元末避兵於郡之白芷里有屋三四楹牖外有大柞因作獨柞軒記以見志錢塘澑時雅題一詩曰蕭洒幽軒水面開軒前老樹倚雲栽閒來扶杖過三市醉後支頤看百回風雨欲龍化去雲霄常聽鶴飛來結鄰擬共榮枯事遼

莫人知是  
大議會云詔送叔徵弱明淵田  
合樂樂辭局是吳年年修序云謀考君孫士董集錢宰初以散  
併局二者宿時元所亦五修之以修山陵得之以修山陵  
耳厥局居儒置年修之三丁五修史奏被召與修元史  
又後廣通史未禮留之其書又成書從諸公是仲修清江集有  
謝徵宿學成於古制局舊官者集禮局高季迪修成書不能舉  
朱末附賢鍾局定之至陳都梁何以司以以具老送亦以秣陵  
考律討天三陳都梁不敬不具老送亦以秣陵送其名蓋海  
禮雅統下誥於他局憲方敬不具老送亦以秣陵送其名蓋海  
序樂俗禮務後章之贈列禮乞徐大傳還會年送會禮述帝  
云皇樂局未才者士徐大傳還會年送會禮述帝三之追之居  
帝三之追之居翁大年送會禮述帝三之追之居翁大年送會  
混事外首屢之然章名歸春歸布送劉微衣舒宗於一始又開於二雲序豈是官嚴矣詩應微

初元命中書暨翰林太常率諸儒定擬三禮明年再  
命集儀禮樂又明年徧徵在野道德文章之士相與  
攷定之蓋自吳元年至洪武三年無歲不詔諸儒攷  
禮三年九月集禮成特以大章等十人竣事耳大章  
爲王子充所薦續修元史力辭其報子充書深明史  
法爲世所稱始豐稿十四卷獨缺詩今所錄者皆散  
見於他選本者也

### 訪玘法師宿夕佳樓詩

寓縣俄多難湖山亦被兵名藍俱泯滅別構獨崢嶸翰墨看  
前輩登臨愧後生嚴城圍列嶂半檻出澄泓草木侵檐上纖  
蘿附牖榮倚闌雲鳥度極目鏡天平日夕景逾好以高思轉  
清殘陽樹間歛薄靄水邊橫紫翠霏微合丹鉛點染成茅津  
有漁唱麥嶺少人行暝色松門動寒飄竹嶼鳴疏鐘度餘響  
遠火露青熒仙梵微微出爐煙裊裊輕山盤堆露實石鼎泛

雲英洗濯塵凡近吸依誓願精行當陪竺士聽法破無明

題徐良夫遂幽軒

臨風一讀遂幽篇鄧尉穹巒在眼前愧我未安三畝宅思君  
欲泛五湖船春明載酒穿花嗚日暮扶藜看稻田多少長安  
軒冕貴枉勞魂夢到林泉

劉承直二首

承直字宗弼贑州人元進士明初被薦授國子博士  
遷司業出爲浙江僉事引疾歸自稱崆峒雪樵

田按詩綜云承直字宗弼以字行考之他書無云承直以字行者洪武二年召修禮書者有劉宗弼疑別自一人實錄吳元年定國子學官升博士劉承直爲司業既書其名矣無緣前後互歧復以字行王子充書宗弼詩後云宗弼善於詩而於選詩尤工蓋出入鮑謝而閨曹劉之域矣又云君以文學起家以政事

名世蓋本末兼該者惜集不傳

同俞自安泛舟南湖寄龔所立

高秋留別墅亭午泛寒流未結巢由社遠同李郭舟波光迎  
日動雲氣挾山浮爲問乘槎客何時賦遠遊

采石蛾眉亭

昔從淮海泛歸舟曾爲蛾眉十日留翠袖雁行歌子夜玉壺  
鯨飲醉清秋江山有待仍青眼歲月無情易白頭滿目閒愁  
懷李謝數聲漁唱起滄洲

周子諒

一首

子諒名愷以字行廬陵人洪武二年徵修禮書書成  
授官四年中進士授工部主事

田按子諒詩見劉仔肩雅頌正音纏綿溫麗惜不多傳

### 白紵歌

井梧墜葉聲如雨輾轆夜靜莎雞語西里佳人怨薄寒惆悵  
燈前歌白紵白紵新時白如霜象床開合秋水光製成只恐  
香塵污衣著偏宜九夏涼西風乍入羅幃裏數點清塵不禁  
洗競開篋笥試新納舊服拋捐那復理嗟爾白紵怨勿深憐  
新棄舊他人心願將貞白永相保今年卷卻明年好

林弼

八首

弼改名唐臣以禁國號名氏復名弼字元凱龍溪人  
元進士漳州路知事洪武初召修禮樂書授吏部主  
事使安南還改豐城知縣以事逮至京從獄中上書

詔釋之命爲吏部郎中出爲登州知府有登州集二

十三卷

列朝詩集王禕臨漳雜詩云科名唐進士道學宋先儒風流今孰繼林子亦其徒注云林子元凱也  
田按實錄云元凱登元至正甲午進士第有文詞著聲聞浙間入國朝與修元史授考功主事而諧書又云以儒士登春官修禮樂書余考元史前後兩局及禮書無元凱名續修元史以洪武三年二月開局七月書成纂修禮書以洪武二年八月始事三年九月書成元凱奉使安南在三年四月疑未及書成以使事去正如操公琰之不得列名元史舊道原之不得列名集禮耳宋景濂序元凱使南橐稱其文辭爾雅吾友王內翰品評閩南人物謂元凱爲巨擘其爲名輩推重如此

旅感

驅車秣吾馬萬里涉遠道遠道多險艱行子何草草晨征夕未息川陸漫浩浩行役豺虎區此身不自保明當脫塵羈僂

游以終老

用貢泰甫尙書韻贈別吳君濟掾史

東國蒲柳滿江津  
杯酒離亭暫別君  
春事又隨紅紫老人去  
每似燕鴻分榕亭雨過  
聞鶯語桑海天青見鶴羣  
東府仙人應握手  
三山高處望紅雲

西村隱居

西村竹樹靜朝暉  
萬事閒來總息機  
一夜小溪春雨過半篙  
新水白鷗飛草堂築就貲誰寄  
彭澤歸來願未違最憶衡門  
凝望處平疇十里豆花肥

和韓南勝

白鹿山前舊草堂  
重來吟鬢已成霜  
花城衙放雨初歇  
竹寺

詩題曰正長水萼作羹流箸滑溪魚釀鮓透苞香野人喜見昇平象柔柘連陰古戰場

臨江

柳外樓臺入翠微水邊簫鼓蕩晴暉樟江雨漲魚新上草閣雲生鶴共飛諸老尙留詩卷在此生未逐釣船歸蓬窗吟罷還成醉蜜酒初香玉筍肥

覺初上人還永嘉江心寺

江心古寺金焦如滄波湧出青芙蓉千歲鶴歸作人語九淵龍起聽梵書山屐重尋謝康樂丹砂試問陶隱居自是初心得真覺閒身去去隨樵漁

題方壺子墨竹

方壺仙子御風還  
雲外珊瑚響珮環  
吹徹鳳笙山月冷  
參差玉管落人間

題畫

白石青蒲春水生  
夕陽毛羽照沙明  
戲拈畫筆知何處  
柳外池塘艇子輕

張翼

二首

翼一作翔南建德人徙居嘉興元末舉於鄉明初徵入禮局告歸有梓字集

即按竹垞輯翔南所居有巨梓徐一夔爲作記余檢梁孟敬石門集亦有梓字記云今天子將卽大位黃與君同受詔稽古禮文則翔南徵入禮局亦在吳元年矣

憩景德寺分韻得話字

郭遠樹稍陰野曠秋始屆舟迎浦上迅悤釋林閒快紺園幾  
世闢斷碑何年壞閣披龍象擁壁駘天人畫良朋蔚胥集僧  
衲喜出話談幽貝葉翻襟散袈裟掛池深浮菡萏露晞餘沆  
瀣石田際秌秋風偃蒲稗屢悵清賞延迫此日西邁篇什  
志偕遊母云乘蒼蒼

題蔣灝畫翎毛

曾向山中倚玉闌瓊葩相映碧琅玕翠禽唳破香雲夢別有  
春風釀早寒

陳世昌 一首

世昌字彥博錢塘人元末徵授翰林院編修明初徵

入禮局授太常博士有希言集

田按彥博自號西湖真拙寓嘉興作南湖賦傳誦于時

亂後南湖詩會得地字

寄家檣李城情爲姻交繫時登城上樓吳山望天際去年向西湖重尋煙水契鷺聞兵變起謀閒若天墜舉足不敢前念之心欲碎兼旬難方解歸舟急偏滯半道聞鄉信十言九不是踴踴入郭門閨闥成赤地到家見妻孥喜極返涕淚具言鄰公衙吏兵掠逾至男女十九人幸免毒鋒刺琴書賴復完疏狂更容肆翹首見輝光恍惚疑夢寐

孫作二首

作字大雅以字行一字次知江陰人洪武六年召修日曆書成除翰林院編修以老病乞外授太平府教

授入爲國子助教遷司業有滄螺集六卷

澄江詩選孫次知五言古賓近東坡七言律絕氣味

淳厚

田按洪武六年召修日曆宋濂詹同爲總裁官樂韶鳳爲催纂官其與纂修者吳伯宗朱右趙壩朱廉徐一夔徐尊生孫作逾年書成凡一百卷濂等又言曰歷祕天府人不得見請仿唐貞觀政要分輯聖政自敬天至制蠻夷凡四十類名曰皇明寶訓宣示天下明人詩派欲就宋元而唐人次知取徑蘇黃錄詩至滄螺亦空谷之足音也

### 謝馬善卿送菜

嘗欣食菜美自謂肉不過今晨齒頰間屢囁安敢唾持梁嚼肥鮮野簌誰當課使君可憐人異味諳小大我本江南樵酸寒羹不和空腸轉藜莧糲粟連糠稉雨韭春剗苗霜菘秋釀座羊跋釀旨蓄蒲歇雜細剗芋魁掘地底茭首洗泥科木魚

三百頭竹筍一萬箇朝湘出山厨夕煮吹煙銼堆盤青黃見  
入口生澁奈以茲媚盤飧頗復如君作採之諒有時蒸或躬  
自佐白鹽點葱橙紅椒羅白磨蔗餉質劑調醕醯芳辛破香  
飯炊屢熟宿酒醒方餓鶯掌推不受鼈裙空欲蛻饋案連十  
罌飽食深自荷霜根咀寒齑三歎論奇貨米壺奪仙廚適口  
騰軒簸四海一東坡拙謫常坎坷參軍半畝菜詩句劇嘲賀  
我慙不償一造物知何那抱甕力不任負鋤筋苦墮亦欲賦  
歸田自種百畝穉傳君作菜法華藝旋封裏食勤不愧天日  
晏從高臥

酬蔣逸人連日觀花之會

照坐金沙笛裏開青春兩度爲花來江粧初見三千指錦繡

重添一萬堆細雨霞移曲檻東風落日坐平臺深紅淺白俱情稱醉後題詩記此迴

瞿莊二首

莊字敬孚常熟人洪武初以薦授翰林典簿與修正韻尋遷禮部員外郎擢福建右參政轉左參政

閩書出南越門二里曰橫山池西爲南臺山崇阜屹立俯瞰巨潭閩王無諸廟在焉廟循漢制王西坐夫人東坐洪武十年布政使葉茂禱雨有應以閩中書下禮官議從神故封稱漢閩越王之神右參政瞿莊爲文刻石系以詩曰炎荒之間海濱赫燁照耀光郁分維王奕葉神禹孫首驅虎豹勦荆榛服此荒服保黎民斡旋機軸轉化鈞誑歌來歸赤帝尊鐵騎汗血趨嵒崙手扶烈日開冥昏形弓旃矢昭殊勳草木衣被生陽春漸摩風教俗以淳秀民挺拔宣人文甘棠蔽芾森若雲翼翼遺廟今尚存歲時報祀羅酒樽蕙鬱香苾芬翕張造化參乾坤神靈赫若搏桑

田按洪武八年二月正韻成凡十六卷纂修者侍講學士樂韶鳳朱濂待制王僕修撰李叔允編修朱右趙壩朱廉典簿纂孟達典籍孫賛答祿與權敬孚與失以古來相傳之二百六部併爲七十有六頗爲通人所譏李賓之云國初願祿爲宮詞有以爲言者朝廷欲治之及觀其詩集乃用洪武正韻遂釋之時此書初出亟欲行之故也然終明之世亦鮮有遵之者敬孚詩頗有風致朱景濂稱其文學蔚茂應制諸作率皆稱旨

### 秀野軒圖

高士閑門日日開遠山如髮水如苔幾時脫卻塵中鞅布襪青鞋屢往來

### 題慧麓秋晴圖

清遊嘗飲惠山泉客裏披圖思惘然尙憶信安祠外柳蕭條猶帶汴隄煙

趙撝謙一首

據謙名謙一名古則餘姚人洪武初徵修正韻出爲中都國子監典簿罷歸尋以薦授廩山教諭有考古餘事

鄭曉今言趙古則搃謙餘姚人洪武初徵修正韻衆以謙年少雖爲中都國子監典簿同官論事不直罷歸築考古臺述六書之旨注聲音文字通及易學提綱諸書三百餘卷大臣薦召爲瓊山教諭進所著書不報還瓊山初謙來京宋濂遣子仲珩受業謙歸仲珩校正韻多用其說謙六書之學最精既沒門人柴廣敬以聲音文字通進學書者心好之莫得而見也柴田按孝陵徵修禮書敕中書省云令天下郡縣舉素志高潔博通古今練達時宜之士年四十以上者禮部送至京其年過五十未及四十非深知經術者勿遣謙應召時年二十八當事者以議論不合借年少遣歸斥去殆援此制也余謂搃謙厄類賈生遇榮司馬搃少孤家取之此其所操何異

巨鉞醒之吾胸云風溪東州墨發山茲黑貨眾才好  
峽若而草所聽南雨百西老窗玉雨什鐵多碧落古  
波把驚書師豈陽蠅番誰未云柙之襲硯充買喜兼  
溝梨汝高荻若鬢冰獨己君蔓痘比磨將碑新泉頗  
傾長今季莖俗翁龍雪步萬居草其跋穿錢功小者一  
皆竊能迪錐工學鶯光君射於纏荃摹功者一塲事  
書一飲作沙鵠占翔元今巨越何聚孫摹深學案世  
苑拂不歌指魯書他霞有鼎文如土撫揭深學既列書  
佳悲滿云畫魚雅若志疇獻篆封文累萬自精番俗  
話風杓昔腹自與膝斗繼能邦塚若自精董良善書  
也生逸聞廿言秦用松絕扛家光堂祭大習智期齒者  
陰氣汝年初漢享煤學吳藏夜鏡智期齒者屋忘篆  
垂欲祖勤習參之香砥興金映石永差壯志篆朱孟  
大與東苦勝籀篆滿柱宗石列表筆古志逾壁食塚  
澤相吳求因錄書堂中人書星爲忍人肩堅懸眼華  
雷呻精研時古王賓流已滿廳吁捐嗟師池平泰望  
而噪醉委玉文止客見物窗管寶峨法魚生望篆  
過高傳張雪奇仲看孤故磨時劍峨正染囊并朱塚  
響堂草藻左字作揮注浙穿敏賈細正染囊并朱塚  
破把聖仲丞盪歌灑剝河青賦胡林在皆染之茂趙

聲音文字通成賦詩

文字聲音歎久訛十年辛苦事研磨誰云沈約知音甚未許  
揚雄識字多魯魚從今堪辨析鼎鼐由昔賈摩挲總憐朋舊  
微鍾子歸卧雲山看薜蘿

張美和 一首

美和名九韶以字行清江人元末累舉不仕洪武三年以薦爲縣學教諭遷國子助教改翰林院編修致仕歸二十七年徵修書傳會選書成遣還有吾樂山房稿

田按美和在成均有師法與聶茲貝瓊號爲三助洪武二十七年帝觀蔡氏書傳論象緝運行與朱子詩傳不合其他注與鄱陽鄒季友所論有未安者徵天下名儒訂正之兵部尚書唐鐸等與美和等二十七

人帝遣行，人馳傳徵至特命學士劉三吾總其事。余考實錄所紀與美和同徵者國子監博士致仕錢宰助教致仕斬權教授高議學正王子謙教諭張士謨俞友仁何原銘傳子裕得惟善訓導唐秉周寔趙信洪初萬鈞王賓謝子方吳子恭儒士解震生熊釗揭軌蕭尙仁蕭子尙王允昇張文翰張思哲宋麟竹垞經義考謂當時修書者尙有許觀景清盧原質戴德彝皆以死建文之難辭去然考今所傳書傳會選舊本尙有湖季安門克新王俊華等十一人而無斬權吳子恭宋麟三人豈實錄所紀但據始事時所徵其後或去或增互有不同耶有明一代官書以此書爲最善顧亭林曰知錄亟稱之。

### 歸隱

歸來江上看青山種柳成陰漸可攀舊夢任隨流水去此身相伴白雲閒錦囊書帙收千卷金井丹砂貯九還留得玉堂

### 揮翰手臘題佳句落人間

錢宰

三首

宰字子子一字伯均會稽人元進士洪武二年徵修禮樂書授國子助教十年加博士致仕二十七年徵修書傳會選書成遺還有臨安集六卷

四庫總目錢宰詩吐辭清拔寓意高遠刻意古調不屑爲豔仄之體  
田按子子仕履各家紀載多有錯謬列朝詩集踏駁尤甚實錄洪武六年三月以儒士錢宰爲國子助教是年命建歷代帝王廟則子子撰帝王廟樂章當在此時牧齋敘次子修書傳之後誤一實錄十年三月國子助教錢宰以年老乞致仕上敕云助教錢宰學問老成訓導有方在學數年倬有成效年滿七十懇辭還鄉特授文林郎國子博士致仕而牧齋云二十七年召校書翰林加博士賜敕遣歸誤二修書傳時江東諸門酒樓成賜百官鈔宴其上宰等賦詩以獻帝大悅遣禮部尙書任亨泰諭諸儒年耄思歸者遣到墓之宰起著衣午門朝見尙嫌遲何時得遂田園樂睡易嘗嫌汝何不敢憂字又曰朕今放汝去好放心

睡熟矣公率諸老人拜謝皆遺還此詩當賦於官助  
教之時而敘次於修書傳之後必無去留聽便之人  
忽賦思歸之句自相低俗誤三四庫提要云臨安  
集中金陵形勝論末署洪武二十七年六月國子博  
士致仕錢宰進九月書成六月己先署博士此尤早  
加博士之確證又云是致仕卽在奉召之年修書遣  
歸非致仕也亦小有誤偶不檢耳子予詩如鑿家淺  
絳法雖亦著色不沒骨幹

遊西山

西山一何高有懷在泉石蕩舟渡西泠秋水今幾尺渚花泊  
孤橈岸草納雙屐涼風樹上至林影下衣碧羣動方自營塵  
機念俱息邂逅方外人招邀坐深席悠然外死生矧復慨今  
昔我客語正深僕夫勸還役川明月初至樹暝山已夕歸人  
樵唱來落日墮西壁

題崔彥輝雲林小隱

雪上平林半是雲  
索居別墅樂閒身  
蘋花落日江南唱楊柳  
滄灣若下春隔岸  
青山連罨畫當門  
綠樹接比鄰外家第宅  
相過近內翰風流世有人

畫魚

綠波春水沒漁家  
楊柳青青拂釣槎  
三月江南春雨歇  
一雙鱸鮒上桃花

揭軌

六首

軌字孟同臨川人洪武初以明經除清河主簿遷知  
縣秩滿歸復召主江西鄉試校定書傳會選書成賜  
金歸有新河集

田按孟同詩以律體見長可肩隨甘彥初明初臨川  
宗派如此洪武二十七年召定書傳會選賜宴酒樓

諸儒獻詩惟孟同詩獨傳

題孫氏遺墨軒

宣文學士吾季父草書往往追懷素玉堂多暇日臨池方駕長沙美無度間道尊公居豫章亦以能書相頽頽錦囊長紙霜玉潔清醉時時臨數行山陰別後驚捐館零落猩毫并象管白鵝池冷綠苔深銅雀硯寒清露滿吾廬兵後住江村玉堂佳帖無一存卻憶君家文獻在香奩犀軸付諸昆

題大長公主林館

主家林館御溝西楊柳扶疎映舞衣玉沼萍開魚上躍繡簾花妥燕低飛微風翠輦宮中去淡月霓旌苑外歸四海昇平當此日萬年行樂莫相違

賦得浙江亭送張別駕

銅柱煙銷百粵通故人千里入閩中將軍慎府求高適使者  
書詞請石洪野館別時楊柳綠綵毫吟處荔枝紅丈夫許與  
誰知已須佐雲臺第一功

秋思

綺窗紅燭淡秋光鳳帳流蘇減夕香機杼隔花閒翠戶轆轤  
臨水凍銀床秋風紫塞晝千里夜月清砧淚數行望斷金鞍  
秋又杪芙蓉零落玉池霜

宴南市樓

帝城歌舞樂繁華四海清平正一家龍虎闢河環錦繡鳳凰  
樓閣麗煙花金錢錫宴恩榮異玉殿傳宣禮數加冠蓋登臨

皆善賦歌詞只許仲宣誇

詔出金錢送酒爐綺樓勝會集文儒江頭魚藻新開宴苑外  
鶯花又賜酺趙女酒翻歌扇溼燕姬香襲舞裙紅綉筵莫道  
知音少司馬能琴絕代無

姜南蓉塘詩話國初於金陵聚寶門外建輕煙淡粉梅妍柳翠十四樓以聚四方賓客觀揭孟同詩可御國初措神宴集皆用官妓與唐宋不異後始有禁耳永樂中晏鐸金陵元夕詩花月春風十四樓今諸樓皆廢南市樓尚存

周暉金陵續瑣事太祖造十六樓待四方之商賈士大夫用官妓無禁宣德二年大中丞顧公佐始奏革之國初知縣揭公軌有宴南市樓詩當時之盛可知矣今此樓雖存不過屠沽市兒之遊樂而已靜志居詩話永樂中蜀人晏振之金陵春夕詩云花城明醉仙江十四樓十四樓者來賓重譯清江石城鶴鳴爲叔蓉塘詩話謂皆在聚寶門外然中既以清江石名必不皆在聚寶門矣周吉父撰金陵瑣事謂



可言采蘋者一  
花萼桃象外幽於鳩鳴則云白日移歌袖而孟同詩云詩  
錦緝鳳凰歌扇底酒擣楊柳舞樓前又云龍虎關河環  
香囊舞鳳皇樓閣麗煙花又云趙女酒翻歌扇溼燕姬  
一段佳話也追憶承平都會之盛君臣相遇之隆亦